



حراًان؟؟؟ عطشاًان؟؟؟



جمع وترتيب

د/ مصطفى إبراهيم زايد

مركز الإيداع

/

دار النعيم
للنشر والتوزيع

٠١٠٣٤١٨٧٨٤



الحقونا يا نأنا!!

«إيه الحر ده ؟؟؟؟ إيه كل الصهد ده ؟؟؟؟»

بجد مش ممكن !!!! :))

أنا خلاص إتبخرت وبقيت بواقي إنسان مجفف !!
كل يوم أصبر نفسي وأقول بكرة الحرارة هتتخفف ،
بكرة الجو هيبقى جميل ..إيه بقى فيه إيه ؟
هو بكرة ده ما بيجيش ليبيبيبيبي ؟ أنا تعبت جداً جداً !!

«الصيف دخل ..والجو بجد حاجة صعبة ..

وآآآآه بقى لو ركبت المترو الساعة ٢ وكانت التهوية
مش شغالة !! أو كنت راكب أتوبيس محترم ووقف
بيك في الإشارة نص ساعة !! أو كنت في مصلحة
حكومية بتخلص ورق والمرواح كانت عطلانة !!
أو حتى كنت في البيت وقاعد قدام المروحة ، برده
الهوا نفسه سخن والواحد مش طابق نفسه !!!
قوينا وهونها علينا يا أرحم الراحمين ..



«من كام يوم كنت نازل الشغل ..

صليت الفجر وقعدت شوية .. وقولت أمشى بدري قبل
ما الجو يحرر .. يا دوب لسه خارج من البيت ، لقيت
لفحة هوا سخن بتخبطني في وشي .. قولت خير ..

«روح الموقف علشان أركب .. ومجرد ما
دخلت العربية ؛ لقيت الناس قاعدين يهففوا .. اللي
معاه ورقة عمال يهفف بيها على نفسه ، واللى عمال
يهفف بإيده ، واللى فاتح القميص على الآخر ..

قولت إيه ده ؟؟ هو إحنا لحقنا !!! ده الساعة لسه ٦ !!
مكملتش دقيقة من دخولى العربية وبقيت أنا كمان مش
طابق نفسي ؛ وقعدت أهفف أنا كمان!!!!

«المهم .. وصلت المستشفى بعد عناء مع
المواصلات .. كنت بموت خلاص .. !!!!
دخلت الأوضة .. لقيت التكييف شغال ..

👉 يا سلام!!!!!!!!!!!!!!!!!!!!!!!!!!!!!!م ..

الواحد كان قاعد وكأنه في الجنة ، ومش عايز يخرج
من الأوضة..!



« بل موضوع ربط (حرّ الدنيا) بـ (حرّ النار) ربنا ذكره في أكثر من موضع في القرآن الكريم .. قال الله تعالى :

(فَرحَ الْمُخَلَّفُونَ بِمَقْعَدِهِمْ خِلَافَ رَسُولِ اللَّهِ وَكَرِهُوا أَنْ يُجَاهِدُوا بِأَمْوَالِهِمْ وَأَنْفُسِهِمْ فِي سَبِيلِ اللَّهِ وَقَالُوا لَا تَنْفِرُوا فِي الْحَرِّ قُلْ نَارُ جَهَنَّمَ أَشَدُّ حَرًّا لَوْ كَانُوا يَفْقَهُونَ) التوبة: ٨١

« قصة الآية دي إن النبي ﷺ كان خارج مع الصحابة في غزوة تبوك والجو كان حر جداً ، فالمنافقين قالوا لبعض مش هنخرج في الحر ده (لَا تَنْفِرُوا فِي الْحَرِّ) فربنا قال للنبي ﷺ يقولهم : (قُلْ نَارُ جَهَنَّمَ أَشَدُّ حَرًّا) وبعبدين ربنا قال في ختام الآية: (لَوْ كَانُوا يَفْقَهُونَ)

❖ يعني لو كانت الناس دي بتفهم ؛ كانت عرفت إن اللي بيعصي ربنا ويخالف أمره، هيتعذب في نار جهنم اللي هي أشد مليون مرة من شوية حر في الدنيا ...!!
بس للأسف .. الناس عقولهم مغيبة !!!



« وفي آية ثانية ربنا بيقول :

(أَفَرَأَيْتُمُ النَّارَ الَّتِي تُورُونَ * أَنَّكُمْ أَنْشَأْتُمْ شَجَرَتَهَا أَمْ نَخُنُ الْمُنْشَأُونَ * نَحْنُ جَعَلْنَاهَا تَذْكِرَةً وَمَتَاعًا لِلْمُقَرَّبِينَ) الواقعة: ٧١-٧٣

❖ قال المفسرون في تفسير هذه الآية : أي جعل الله نار الدنيا تذكرة للنار الكبرى في الآخرة ؛ فإذا رأى الراي نار الدنيا ذكر جهنم ..

❖ وخلاصة معنى الآيات دي : إن إنشاء النار كان لفوائد وحكم ، منها أن تكون تذكرة للناس يذكر بها نار جهنم ويوازنون بين إحراقها وإحراق جهنم التي يعلمون أنها أشد من نارهم في الدنيا ..

« نرجع تاني لرحلتنا مع المواصلات والحر ..

« وأنا واقف لسه مفيش مواصلات وعمال أفكر في الوقفة ومنظر الناس ؛ تخيلت منظر أول ما الناس تَبْعُث وتنتقل لأرض المحشر يوم القيامة ..

قال الله تعالى : (يَوْمَ نَخْشُرُ الْمُتَّقِينَ إِلَى الرَّحْمَنِ وَفْدًا * وَنُسَوِّقُ الْمُجْرِمِينَ إِلَى جَهَنَّمَ وَرْدًا) مريم: ٨٥-٨٦



« ناس هتتحشر لربنا وفداً .. وفداً : يعني ركبناً .. رايعين وفود لربنا سبحانه وتعالى والملائكة بتحفهم وهما راكبين أحسن ركوبة .. حاجة مفيش بعد كده .. « وناس ثانية هتتحشر ورداً .. ورداً : يعني عطاشاً .. الملائكة بتسوقهم وبتسحبهم لأرض المحشر عياداً بالله ..

سبحان الله ؛ ناس وناس !!

يا ترى إنت عايز تبقى مين في دول ؟؟

يا ترى إنتي عايزة تبقى مين في دول ؟؟

✓ طبعا الموضوع مش محتاج تفكير ..

أكيد كلنا عايزين نبقى مع الناس اللي هيروحوا لربنا وفداً .. أكيد كلنا عايزين نبقى في المنظر الجميل ده ..

طيب عملت إيه علشان نبقى معاهم ؟؟؟

❖ ربنا قال عنهم (يَوْمَ نَخْشُرُ الْمُتَّقِينَ) ..

❖ يا ترى هل تحققت فيك صفات المتقين ؟؟

« هسبك تجاوب بينك وبين نفسك !!



❖ وفي حديث ثاني .. قال النبي ﷺ :

(يعرق الناس يوم القيامة حتى يذهب عرقهم في الأرض سبعين ذراعاً ويلجمهم حتى يبلغ آذانهم) سَنَقُّ عَلَيْهِ

❖ **يا ترى في الموقف العظيم ده**

هتكون حالك إيه؟؟؟

❖ يا ترى هتعمل إيه لما الناس تغرق في عرقها

يوم القيامة كل واحد على حسب عمله ؟

❖ يا ترى لحد فين هيبغ عرقك يوم القيامة ؟؟؟؟

إلى كعبك ؟؟ ركبتك ؟؟ أم حقوك ؟؟

أم سيلجك العرق ؟!

❖ يا ترى هتبقى حالتك إيه لما تقف حافي عاري

والشمس فوق رأسك على بعد ميل واحد منك !!!



❖ بالله عليكم أنا عايز كل واحد يتخيل الموقف ده:

- الشمس دلوقتي على بعد ٩٣ مليون مليون ميل

والحرارة بالمنظر اللي مش قادرين نستحمه ده !!

ده العلماء بيقولوا لو الشمس اقتربت ميل واحد من

الأرض ؛ الأرض كلها هتولع وتتحرق!!

فما بالكم لما نبقى على بعد ميل منك يا أخى

وملك يا أخى؟؟!!

لولا أن الله قَرّر ألا نموت بعد الموت ، لمتنا جميعاً من

حرارة الشمس ، لصهرت الشمس رؤوسنا وعظامنا..

ده إحنا هنقف ٥٠ ألف سنة تحت الشمس ..!!!

❖ **إنت متخيل الموقف ده؟؟**

❖ **إنتي متخيلة الموقف ده؟؟**



❖ ده إنت بتلاقي الناس تقولك متمشيش في الشمس

١٠ دقائق ولا ربع ساعة علشان مش هتستحمل

وممكن يجيبك ضربة شمس ..

ما بالكم بخمسين ألف سنة والشمس فوق الرؤوس؟؟

يا ترى هتقدر نستحمل؟؟؟؟!!



❖ شوف حبيبك النبي ﷺ بيوصف الموقف وبيقول :

(يُحْشَرُ النَّاسُ يَوْمَ الْقِيَامَةِ حَفَاةً عَرَاءَ غُرْلًا ،

قَالَتْ عَائِشَةُ رَضِيَ اللَّهُ عَنْهَا : يَا رَسُولَ اللَّهِ ،

الرِّجَالُ وَالنِّسَاءُ يَنْظُرُ بَعْضُهُمْ إِلَى بَعْضٍ ؟!

قال: يا عائشة الأمر أشد من أن يهمهم ذلك) رواه مسلم

الموضوع خطيبير والله ..شوف النبي ﷺ بيقول إيه :

(الأمر أشد من أن يهمهم ذلك)



► تعالوا نشوف حديث النبي ﷺ :

(سبعة يظلمهم الله تعالى في ظله يوم لا ظل إلا ظله ؛
إمام عادل ، وشاب نشأ في عبادة الله ، ورجل قلبه
معلق بالمساجد ، ورجلان تحابا في الله إجتماعا عليه
وتفرقا عليه ، ورجل ذكر الله خاليا ففاضت عيناه ،
ورجل دعتة امرأة ذات منصب وجمال فقال إني
أخاف الله ، ورجل تصدق بصدقة فأخفاها حتى لا
تعلم شماله ما تنفق يمينه) متفق عليه

❖ ياترى شغلتي بالك في مرة من المرات وفكرت
إنك لازم تكون واحد في دول وإلا هتبقى عيادا بالله
في الشمس الحارقة اللي على بعد ميل !!!

◀ تعالوا نشوف كل واحد من السبعة دول ونتكلم
عنه بشئ من التفصيل علشان نجتهد إننا نكون منهم
ونكون في ظل عرش الله يوم لا ظل إلا ظله



► وفي رواية ثانية من الحديث .. قال النبي ﷺ :
(يبيعت الناس يوم القيامة حفاة عراة غرلاً ،
فقالن عائشة : فكيف بالعورات ؟؟؟
قال النبي ﷺ : لكل امرئ منهم يومئذ شأن يغنيه)
يعني كل واحد عنده اللي يكفيه إنه ميشغلش نفسه بأي
حاجة غير نفسه.. الموضوع مرتبط بتحديد المصير !!
=====

◀ طيب وبعدين ...؟؟؟

هنفضل في العذاب ده طول مدة الحساب ..؟؟
هنفضل كده خمسين الف سنة !!!! إيه الحل ؟؟؟
أكيد فيه حل علشان نهرب من الشمس والحر
والعرق والأهوال دي كلها يوم القيامة ..

◀ أيوه فيه حل ..

ومش حل واحد .. ده حلول كتير بفضل ربنا وكرمه ؛

◀ تعالوا نشوفها مع بعض ◀◀



٢ - شاب نشأ في عبادة الله

- سبحانه الله.. لاحظوا لفظ (شاب) اللي ذكره النبي ﷺ
والنبي ﷺ خصّ الشباب بالذكر في أكثر من حديث ؛
ليبيبيه؟؟

◀ لأن مرحلة الشباب هي مرحلة القوة والنشاط اللي
ممكن تستغلها أحسن إستغلال في طاعة الله ..
وفي نفس الوقت هي مرحلة ذروة الشهوة والتعرض
للفتن ، فممكن تكون هي سبب ضياعك و هلاكك !!
◀ وعلشان كده إنت هتتسأل يوم القيامة عن عمرك
كله .. وبعدين هتتسأل عن مرحلة الشباب لوحدها ..

عملت فيها إيه؟؟

◀ قال رسول الله ﷺ : (لا تزول قدما ابن آدم يوم
القيامة من عند ربه حتى يسأل عن أربع : عن عمره
فيما أفناه ؟ وعن شبابه فيما أبلاه) صححه الألباني
وده أكبر دليل على أهمية مرحلة الشباب وخطورتها..



١ - إمام عادل

► قال العلماء : الإمام العادل هو : الذي يتبع أمر الله
بوضع كل شئ في موضعه من غير إفراط ولا تفريط
وهو العدل في نفسه ، العادل في حكمه ..

◀ ويلتحق بمعنى الإمام العادل كل من ولي شيئا من
أمور المسلمين فعل فيه ؛ زي ولاية رب الأسرة
على بيته .. وولاية رئيس العمل على الموظفين عنده
وهكذا .. ويؤيد هذا المعنى قول النبي ﷺ :
(إن المقسطين عند الله على منابر من نور ، الذين
يعدلون في حكمهم وأهليهم وما ولوا) رواه مسلم

❖ يا ترى إيه اخبار العدل في حياتك؟؟

❖ هل إنت عادل في شغلك وفي بيتك وفي أهلك؟؟
❖ لو العملية مش مضبوطة عندك .. راجع نفسك ..
علشان تكون من ضمن الفائزين بلقب (إمام عادل)



« وبناءً على ده .. فالعبادة تتضمن :

- ♥ الفرائض والأركان التعبدية: زي الصلوات الخمس، والزكاة الواجبة ، وصوم رمضان ، والحج .. إلخ ..
- ♥ السنن والمستحبات التعبدية : زي السنن المؤكدة والسنن المطلقة من الصلوات، وصدقة التطوع .. إلخ ..
- ♥ الأخلاق القلبية : زي الإخلاص والصبر والرضا والتأني وحسن الظن .. إلخ ..
- ♥ آداب الأكل والنوم والحديث والطريق إلخ ..
- ♥ المعاملات المالية : زي أداء الحقوق وحفظ الأمانة
- ♥ المعاملات الاجتماعية مع الغير : حُسن المعاملة ، والوفاء بالحقوق والوعود، وأداء الأمانات، والصدق في الحديث ، وبر الوالدين ، وصلة الرحم ، والإحسان إلى اليتامى والمساكين والضعفاء .. إلخ ..



- «١» وعَلَّشان كده بنقول للشباب أن أي حركة وأي عمل صححت فيه النية والقصد فهو عبادة لله ﷻ ..
- «٢» يعني دخول الشاب للجامعة علشان يتعلم فيها العلم النافع ويدرس ويتفوق وينفع الإسلام والمسلمين عبادة
- «٣» وخروجه من بيته علشان يشتغل ويأكل من حلال ويكسب ويعف نفسه وأهله عبادة لله ..
- «٤» ولو عايز يتزوج من ذات الدين اللي أوصانا الشرع بيها علشان يكون أسرة مسلمة فزواجه عبادة لله ..
- «٥» وإذا ربى أولاده على الإسلام وأحسن تربيتهم فده عبادة لله .. وهكذا ..

"كل قول أو فعل بنيتك ممكن تخليه عبادة لله"

« يا ترى إنت هتكون شاب نشأ في عبادة الله ؟؟

« ولا هتكون شاب نشأ قدام ميلودي ومنريكا ؟؟



« ولو لاحظنا جملة : (نشأ في عبادة الله) ..

- ✗ هنلاقي ناس كتير بتفهمها غلط للأسف ..
- ناس كتير لأول وهلة ببيجي في دماغها إن معنى الكلام ده إنه شاب نشأ علشان يقعد في المسجد يصلي ويحفظ القرآن وبس !!
- وده بيدل على عدم فهمنا للمعنى الحقيقي للعبادة وحصرها في مفهوم أنها صلاة وصوم وقراءة قرآن وبس ، أو بمعنى أدق حصر مفهوم العبادة في الشعائر التعبدية فقط .. وده غلط ..
- ✓ العبادة كما عرفها شيخ الإسلام ابن تيمية :

(هي اسم جامع لكل ما يحبه الله ويرضاه من

الأقوال والأعمال الباطنة والظاهرة)



- ♥ والحياة كلها ممكن تكون عبادة إذا جمعنا العمل بالنية الصالحة .. قال الله تعالى : (قُلْ إِنْ صَلَّيْتُ وَنُسَكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ، لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ) الأنعام: ١٦٢-١٦٣

« وجاء في الحديث الشريف :

- أن رجلاً مرَّ على أصحاب النبي ﷺ فرأى أصحاب النبي ﷺ من جلده ونشاطه ما أعجبهم ، فقالوا : يا رسول الله ، لو كان هذا في سبيل الله ؟ فقال رسول الله ﷺ : " إن كان يسعى على ولده صغارا فهو في سبيل الله ، وإن كان خرج يسعى على أبوين شيخين كبيرين ففي سبيل الله ، وإن كان خرج يسعى على نفسه ليعفها ففي سبيل الله وإن كان خرج يسعى على أهله ففي سبيل الله ، وإن كان خرج يسعى تفاخراً وتكاثراً ففي سبيل الطاغوت " صححه الألباني



٤ - رجلان تحابا في الله

« قول النبي ﷺ (ورجلان) مش معناه إن الموضوع ده للرجال وبس .. أو معناه إنه يشمل اتنين وبس، لأ .. ده ممكن مجموعة يحبوا بعض في الله .. وكذلك الموضوع بالنسبة للنساء ؛ ممكن بنت أو مجموعة بنات يحبوا بعض في الله .. وطبعا الحب في الله ده بين الولاد وبعضهم أو البنات وبعضهم .. يعني مينفعش بنت تقول لولد أنا بحبك في الله .. ده هيبقى حب من نوع تاني خالص!! وطبعاً إنتو فاهمين !!!

« ولفظ (تحابا) يفيد معنى المشاركة في الحب .. يعني كل واحد فيهم بيحب صاحبه .. كل واحد فيهم محب ومحبوب في نفس الوقت .. يعني مش حب من طرف واحد .. وفيه بيان حقيقة المحبة مع الدوام عليها ، محبة نشأت لله وهندوم لوجه الله ..



٣ - رجل قلبه معلق بالمساجد

« قول النبي ﷺ (ورجل قلبه معلق في المساجد) .. فيه إشارة إلى شدة تعلق قلبه بها وحبه للجلوس فيها ، قلبه متعلق بالمسجد ؛ كل ما يخرج منه يتمنى إنه يرجع تاني .. مش قادر يفارق المكان ده .. وفيه رواية ثانية من الحديث في صحيح مسلم فيها زيادة (ورجل قلبه معلق بالمسجد إذا خرج منه حتى يعود إليه) .. سبحان الله .. يعني كل ما يخلص صلاة يبقى نفسه الصلاة اللي بعدها تبيجي بسرعة .. وده يدل على قوة صلته بالله .. لأن الصلاة هي الصلة بين العبد وربّه ..

« يا نرى إنت قلبه معلق بالمسجد ؟؟
يا نرى صليت الفجر انهاردة جماعة ؟؟
يا نرى انت بنصلي في المسجد غير يوم الجمعة ؟؟
راجع نفسك .. وأبدأ حافظ على الصلاة في المسجد



٥ - رجل دعتة امرأة ذات منصب وجمال فقال إني أخاف الله

« فتنة النساء من أخطر الفتن .. وممكن الواحد يصمد قدام مدفع ورشاش في الحرب ، ولكنه ميقدرش يصمد قدام امرأة ، إلا من رحم الله !! لأن فتنة النساء فتنة عظيمة .. قال رسول الله ﷺ : (ما تركت بعدي فتنة أضر على الرجال من النساء) متفق عليه

« وقال العلماء أن المرأة تدخل أيضاً في هذا الباب : لو أن رجلاً ذا منصب وجمال دعاها إلى نفسه فأغراها بالمال ، وإمتنعت من ذلك ، وقالت : إني أخاف الله ، فهي بإذن الله في ظل عرش الله يوم لا ظل إلا ظله .. والقرآن ذكر المؤمنين والمؤمنات في مقام العفة .. فقال الله تعالى :

✓ (وَالْحَافِظِينَ فُرُوجَهُمْ وَالْحَافِظَاتِ) الأحزاب: ٣٥



طيب .. إيه هو الحب في الله ؟

♥ الحب في الله : يعني حب خالص لوجه الله ، حب خالي من أي أغراض ومصالح ، خالي من شوائب الدنيا ، حب قائم على الإيمان والتقوى .. « وتأمل في بقية الجملة (ورجلان تحابا في الله اجتمعا عليه وتفرقا عليه) .. يعني كل لما يقابلوا بعض يسألوا بعض عن أحوالهم الإيمانية .. ينصحوا بعض .. يساعدوا بعض على الطاعة والثبات .. اجتمعوا على طاعة الله وحب الله .. وتفرقوا على طاعة الله وحب الله .. مفيش أي مشكلة في الدنيا قدرت تفرقهم .. حتى لو حد فيهم غلط في التاني .. حتى لو حد فيهم قصّر في حق التاني .. محبتهم مستمرة ودائمة .. لأنها لله فقط .. ومفيش شئ هيفرق بينهم غير الموت !

« يا نرى إنت صاحبك أصلاً صاحب صالح ؟؟
« يا نرى بنحبك لله ولا صحبوية مصالح ؟؟



♥ الصبر يا شباب .. الصبر يا بنات ..

« قال النبي ﷺ : (ومن يستغفر يعفه الله ، ومن يستغن يغنه الله ، ومن يتصبر يصبره الله ، وما أعطي أحد عطاءً خيراً وأوسع من الصبر) متفق عليه
 « حاسس ببيكم والله .. وعارف إننا في زمن الشهوات والفتن .. بس صدقوني هتقدروا .. اللي هيطلب العفة ربنا هيرزقه العفة .. واللي هيصبر ويطلب من ربنا الصبر ربنا هيصبره .. إستعينوا بالله يا شباب وهو هيغنيكم ويرزقكم من فضله ..

« قال الله تعالى : (وَلْيَسْتَغْفِرِ الَّذِينَ لَا يَجِدُونَ بَكَارًا حَتَّى يَغْنِيَهُمُ اللَّهُ مِنْ فَضْلِهِ) النور: ٣٣

« عن عبد الله بن مسعود قال : كنا شباباً لا نجد شيئاً ، فقال لنا رسول الله ﷺ : « يا معشر الشباب ، من استطاع الباءة (تكاليف الزواج والقدرة عليه) فليتزوج ، فإنه أغض للبصر وأحصن للفرج ، ومن لم يستطع ، فعليه بالصوم ، فإنه له وجاء (حماية من الوقوع في الحرام) » متفق عليه



« وربنا سبحانه وتعالى خلق فينا الشهوات علشان يختبرنا .. مين هيتبع شهواته ، ومين هيصبر وه يخاف ربنا في الدنيا وربنا يجازيه في الآخرة بأعلى الدرجات في الجنة بفضلته ورحمته وكرمه ..
 ✓ قال الله تعالى :

(وَأَمَّا مَنْ خَافَ مَقَامَ رَبِّهِ وَنَهَى النَّفْسَ عَنِ الْهَوَىٰ * فَإِنَّ الْجَنَّةَ هِيَ الْمَأْوَىٰ)
 النازعات: ٤٠-٤١

« يا نرى مين فينا هيصبر ويسنعمم بالله وينشبه بسيدنا يوسف علشان يكون في ظل عرش الله يوم لا ظل إلا ظله؟؟؟

✓ قال الله تعالى : (وَرَأَوْنَهُ الَّتِي هُوَ فِي بَيْتِهَا عَنْ نَفْسِهِ وَغَلَّقَتِ الْأَبْوَابَ وَقَالَتْ هَيْت لَكَ قَالَ مَعَاذَ اللَّهِ إِنَّهُ رَبِّي أَحْسَنَ مَثْوَايَ إِنَّهُ لَا يُفْلِحُ الظَّالِمُونَ) يوسف: ٢٣



٧- رجل ذكر الله خالياً ففاضت عيناه

« والرجل ده نال المكانة دي بـ ٣ صفات فيه :

- ① لأنه كان من الذاكرين ..
- ② لأنه كان في خلوة بربه بعيداً عن الناس ..
- ③ لأنه فاضت عيناه بالدموع ..

□ قال العلماء : وقوله ﷺ : (ورجل ذكر الله خالياً ففاضت عيناه) دليل على الإخلاص .. فذكره الله ﷻ خالياً منفرداً أبعد عن الشبهة وعن الرياء والسمعة .. فهذا الرجل ، ذكر الله خالي القلب ، لا يفكر في شيء غير الله ، لو فكر في شيء لم يحصل له اليكأ من خشية الله أو الشوق إليه ؛ لأنه لا يمكن أن يبكي الإنسان وقلبه مشغول بشيء آخر ..

فكيف نبكي شوقاً إلى الله وخوفاً منه وحُباً له

وقلبه مشغول بغيره ؟؟؟؟؟؟!



٦- رجل تصدق بصدقة فأخفاها حتى لا تعلم شماله ما تنفق يمينه

□ قال العلماء في شرح الحديث : وهذا في صدقة التطوع ؛ فالسر فيها أفضل ؛ لأنه أقرب إلى الإخلاص وأبعد من الرياء .. وأما الزكاة الواجبة فأعلانها أفضل ، وهكذا حكم الصلاة فأعلان فرائضها أفضل ، وإسرار نوافلها أفضل ؛ لقوله ﷺ : (أفضل الصلاة صلاة المرء في بيته إلا المكتوبة) رواه البخاري
 □ وقال العلماء : وذكر اليمين والشمال مبالغة في الإخفاء والإستتار بالصدقة ، وضرب المثل بهما لقرب اليمين من الشمال وملازمتها لها ، ومع ذلك القرب فهو يخفي ما تنفق يمينه عن شماله ..

« يا نرى لو شوفت حد محتاج صدقة وإنت مش معاه غير حق نذكره السينيما أو المانش أو علبة السجاير .. هنتفقها فيبين ؟؟؟



﴿ ولو نظرنا نظرة عامة على السبعة أصناف دول؛ هنلاقي إن فيه حاجات مشتركة موجودة ما بينهم ..

□ قال العلماء : وإيراد هذه الأصناف السبعة بهذا السياق يدل على أنها تشترك في معانٍ عدة ومنها :

① الرغبة في الله والرغبة منه ..

② مراقبة الله والإخفاء عن الناس :

- فالإمام العادل لم تتحقق عدالته إلا بتقوى الله ورعايته لحقوق العباد وخوفه من المظالم ..

- وكذلك الشاب وهو في سن الصحة والقوة نشأ ملازماً لطاعة الله على الرغم من كل ما يحوطه من الفتن والشهوات ..

- والرجل المعلق قلبه بالمسجد إنما دفعه لذلك حبه لعبادة ربه في رحاب السكينة بالمسجد ..

- وأما المتحابون في الله فلم تجمعهم قرابة ولا نسب ولا تجارة ، وإنما حبهم لله جمعهم ، فاجتمعوا بلا نفاق ولا رياء ولا مجاملات باردة باهتة ..

اجتمعوا لله وتفرقوا عليه ..



- والمتصدق في خفاء تغلب على بُخل نفسه في ماله وتخطى حب الثناء والمدح ، وبذل الصدقة لله وأخفاها ليطهرها من شائبة الرياء يقصد بذلك وجه الله ..

- وأما المتعفف عن المرأة فالأمر واضح جداً ، فهي ذات منصب وجاء وعلى جمال ، والفتنة الأشد أنها هي الداعية الباذلة لنفسها تقول له (هيت لك) ولسان حاله يقول (معاذ الله) .. دفعه لذلك مراقبته لله ..

- وأما الباكي من خشية الله فهو يذكر الله في خلوة بينه وبين ربه ، ومع ذكر الله في الخلوة يستشعر العبد تقصيره في حق ربه وجنابته على نفسه بالذنوب والمعاصي ، ويستحضر القلب عظمة الله وجلاله ؛ فيشعر بدنه وبلين قلبه وتفيض عيناه من خشية الله ..



③ إشتراكهم في مخالفة هواهم :

كما قال ابن القيم رحمه الله : (وإنك إذا تأملت السبعة الذين يظلمهم الله عز وجل في ظل عرشه يوم لا ظل إلا ظله ، وجدتهم إنما نالوا ذلك الظل بمخالفة الهوى)

- فالإمام لا يكون عادلاً إلا بمخالفة هواه

- والشاب المؤثر لعبادة ربه حقق ذلك بمخالفة هواه

- والرجل المعلق قلبه بالمسجد حمله على ذلك

مخالفة الهوى الداعي إلى الكسل أو إلى أماكن اللذات

- وكذا الحال في المتحابين في الله خالفوا هواهم ولو

شاء أحدهم لجعل علاقته بمن سجلي إليه نفعاً أو يدفع

عنه ضرراً ، فخالف كل منهما هواه

- والمتصدق في خفاء خالف هواه في حب الظهور

والمدح بالإضافة إلى أن الإنسان جُبِلَ على حب المال

- والمتعفف عن المرأة ثبت عند أشد فتنة على

الرجال وخالف هواه وقال (معاذ الله) ..

- و الباكي من خشية الله لم يخلُ بمعصية ولا بإثم

وإنما أنس بالله وبذكره حتى فاضت عيناه ..



قال رسول الله ﷺ : (مَنْ أَنْظَرَ مُعْسِراً أَوْ وَضَعَ عَنْهُ أَظْلَهُ اللَّهَ فِي ظِلِّهِ) رواه مسلم

وقال رسول الله ﷺ : (مَنْ نَفَسَ عَنْ غَرِيمِهِ أَوْ مَحَا عَنْهُ كَانَ فِي ظِلِّ الْعَرْشِ يَوْمَ الْقِيَامَةِ) رواه مسلم

وأيضاً :

« تعلم وحفظ سورتي

البقرة وآل عمران

قال رسول الله ﷺ : (تعلموا البقرة وآل عمران ، فإنهما الزهراوان ، يظلان صاحبهما يوم القيامة كأنهما غمامتان أو غيايتان أو فرقان من طير صواف ، تحاجان عن أصحابهما) رواه مسلم

« هل فكرت تحفظ وتتعلم كتاب ربنا؟؟

ولا هو سهل جداً تحفظ الأغاني زي اسمنا؟؟

إنما كتاب ربنا يبقى تحفظه بعدين...!!!!



وبعد ما عرفت الحلول اللي ممكن تنجيك في الموقف العصيب ده يوم القيامة .. لازم تسأل نفسك :

أنا ميك في دووووول؟؟؟

أنا لازم أكون واحد فيهم ؛

ولا هبقى عبداً بالله في الشمس

الحارقة اللي على بعد ميل؟؟!!



► نرجع تاني لموضوعنا ، ورحلة المواصلات الشاقة وأخيبييراً وبعد عنا..... وصلت للبيت ..

وأول ما دخلت .. روحت جري على التلاجة ..

مش قادر خلاص .. هموت من العطش !!!

شربت ميه لغاية ما قولت خلاص !!

« وساعتها .. إفتكرت عطش يوم القيامة !!

« إنت لما بتصوم يوم والجو بيبقي حر ؛ بتبقى

هتتوت من العطش .. ما بالك بعطش خمسين ألف

سنة في عز الولة؟؟!!!! هنعمل فيه إيبسيه؟؟؟

« ساعتها إفتكرت حوض النبي ﷺ .. والناس في

عز الحر يوم القيامة ونفسهم في نقطة ميه !!

► تخيل صوت النبي ﷺ وهو بينادي : أمّتي ! أمّتي !

تقوم تجري وتروح للنبي ﷺ ، فيغترف الماء بيده

الشريفة من حوضه، ويسقيك من كفه، وتلامس شفثاك

كفّ النبي الشريفة ، وتشرب شربة لا تظمأ بعدها أبداً.

تخيل المنظر الرائع ده ..



﴿ يا خائف عليك يا حبيب قلبي ياللي مش عايز تغض بصرك ومش عايز تبطل فرجة على الأفلام إياها.. ياللي مش عايز تبطل تكلم البنات .. ياللي مش عايز تبطل سماع الأغاني .. ياللي مش عايز تحافظ على الفرائض وبتفرط في سنة حبيبك النبي ﷺ !! ياللي مش عايز تبعد عن سكة أصحاب السوء والمخدرات !! ياللي لسه مُصرّ إنك تتعامل بالربا !!.. ياللي لسه مخاصم قرايبك ومش عايز تكلمهم وتوصل رحمك .. والله خايف عليك .. ﴾

﴿ تحب إنه يتقالك (سُحْقاً سُحْقاً) ؟؟ ﴾

﴿ تحب إنك تتحرم من الشرب من حوض النبي ﷺ في الموقف ده ؟؟ ﴾



﴿ مش كفاية بقى يا شباب ...؟؟؟ ﴾

يا أحفاد أبو بكر وعمر وعثمان وعلي ومصعب وصهيب وسعد وطلحة ..

﴿ مش كفاية بقى يا بنات ...؟؟؟ ﴾

يا أبناء السيدة خديجة وعائشة وحفصة وزينب وجويرية وبقية أمهات المؤمنين..

﴿ مش كفاية بقى يا شباب أمة محمد ﷺ ...؟؟؟ ﴾

﴿ مش كفاية غفلة بقى ...؟؟؟ ﴾

﴿ لما نلاقي الجو حرّ لازم نفكر قول الله تعالى :

(قُلْ نَارُ جَهَنَّمَ أَشَدُّ حَرًّا) التوبة: ٨١

ونبدأ بجذ نجتهد ونشتغل ونعمل كل حاجة نتجينا من النار وعذابها ..



﴿ بس ياترى إنت هتبقى من الناس اللي هتشرب من حوض النبي شربة عمرك ما هتعتش بعدها أبداً؟ ولا هتتحرم من إنك تشرب من حوض النبي ﷺ ؟؟ ﴾

﴿ إيه ده ؟؟؟؟ ﴾

﴿ هو فيه ناس ممكن نتحرم من كده ؟؟ ﴾

﴿ فيه ناس ممكن نتحرم من إنها نشرب من إيد النبي ﷺ ؟؟؟؟ ﴾

﴿ أيوه .. للأسف فيه ناس هتتحرم من إنها تشرب من إيد النبي ﷺ ...!!!! ﴾

﴿ قال رسول الله ﷺ : (إني فرطكم على الحوض ، من مرّ عليّ شرب ، ومن شرب لم يظمأ أبداً ، وليردنّ عليّ أقوام أعرفهم ويعرفونني ، ثم يُحال بيني وبينهم ؛ فأقول إنهم منّي ! فيقال : إنك لا تدري ما أحدثوا بعدك ؟؟) فأقول : سُحْقاً سُحْقاً لمن غيرّ بعدي (متفق عليه



﴿ يا خايف عليكي يا أختي ياللي مش عايزة تسببي البدي والبنطلون والفيست واللبس الضيق .. ياللي مش عايزة تصحي حجابك وتغيري لبسك ياللي لسه مش عايزة تسببي الميك أب علشان شكلك هيبقى مش حلو ومش هتبقى إستيل .. ياللي بتحبني ولد حب حرام وبتكلميه وإنّوا مفيش بينكم أي علاقة شرعية ! ياللي مش عايزة تبطلي سماع أغاني الحب وأفلام الرومانسية اللي دمرت بنات أمة محمد ﷺ ! ياللي ليل نهار بتغتابي وتنمي وتجيبني في سيرة الناس ..

﴿ والله خايف عليك .. ﴾

﴿ تحبي إنه يتقالك (سُحْقاً سُحْقاً) ؟؟ ﴾

﴿ تحبي إنك تتحرمي من الشرب من حوض النبي ﷺ في الموقف ده ؟؟ ﴾



﴿ يا شباب ويا بنات .. ياللي مش طايقين شوية حر ومش قادرين تعيشوا من غير المراوح والتكييفات ..
 ► هتعملوا إيه فى يوم حرّ بألف سنة ، مفيش فيه نجاة إلا لمن أطاع أوامر الله واجتنب نواهيهه ..؟؟؟؟؟
 ► هتعملوا إيه فى نار ، ربنا قال عن ندم اللي فيها :
(يَوْمَ تُقَلَّبُ وُجُوهُهُمْ فِي النَّارِ يَقُولُونَ يَا لَيْتَنَا أَطَعْنَا اللَّهَ وَأَطَعْنَا الرَّسُولَ)
 الأحزاب: ٦٦

﴿ هتعملوا إيه ؟؟؟؟ ﴾



♥ مكتبتش الكلام ده وربنا يعلم إلا علشان خايف على إخواني وأخواتي .. ونفسي كلنا نكون فى ظل عرش الله ونشرب من إيد النبي صلى الله عليه وسلم شربة لا نظماً بعدها أبداً..



﴿ لما منبقاش قادرين نقف دقيقة واحدة فى الشمس لازم نفتكر النار وإننا منستحملش لحظة واحدة فيها ..
 (وَنَادَوْا يَا مَالِكُ لِيَقْضِ عَلَيْنَا رَبُّكَ قَالَ إِنَّكُمْ مَأْكُونُونَ * لَقَدْ جِئْتَكُمْ بِالْحَقِّ وَلَكِنَّ أَكْثَرَكُمْ لِلْحَقِّ كَارِهُونَ)
 الزخرف: ٧٧-٧٨
 ﴿ لما نبقي قاعدين فى البيت ومع ذلك مش طايقين الجو ونليس خفيف ، لازم نفتكر ثياب أهل النار ..
 قال الله تعالى : (قُطِّعَتْ لَهُمْ ثِيَابٌ مِّنْ نَّارٍ يُصَبُّ مِنْ فَوْقِ رُءُوسِهِمُ الْحَمِيمُ)
 الحج: ١٩
 ﴿ لما نكون هنموت من العطش فى عز الحر ، لازم نفتكر عطش يوم القيامة وعطش جهنم ..
 (وَإِنْ يَسْتَيْغِيثُوا يُعَاثُوا بِمَاءٍ كَالْمُهْلِ يَشْوِي الْوُجُوهَ بِئْسَ الشَّرَابُ وَسَاءَتْ مُرْتَفَقًا)
 الكهف: ٢٩

﴿ نفتكر كل ده .. ونبدأ بجد نجتهد ونشتغل ونعمل كل حاجة تنجيننا من النار وعذابها ..



﴿ أنا هغير لبسي وهلبس حجاب صح .. وهبطل أحط مكياج .. وهشيل كل الأغاني من على موبايلي وهطهر قلبي من أي حب حرام علشانك يا ربي ..
 ﴿ وأنا هغير نغمة موبايلي وأصحابي ، وهبطل أكلم بنات وهبدأ أحافظ على الصلاة وأدور على شغل حلال أنفع بيه نفسي وبلدي .. هبدأ أشغل وقتي فى إني أتعلم حاجة مفيدة .. دورات كومبيوتر ، دورات لغة ، ممارسة رياضة .. وهبدأ أستغل كل لحظة فى عمري فى طاعتك يا رب .. علشان أكون :

(شاب نشأ فى عبادة الله)

✍ والصيف ده هيشهد ميلاد إنسان جديد .. بقلب جديد .. إنسان هيعيش أحلى وأسعد حياة ..

أحلى حياة فى طاعة الله



✍ ياللا يا شباب نعلنها توبة من دلوقتي ..
 نندم فيها على كل اللي فات .. وكل واحد فينا يعاهد ربنا .. يعاهد ربه ويقول :
 ✓ من هنا وجاي مش هعصيك تاني يا ربي .. هجاهد نفسي وهبدأ حياة جديدة .. حياة كلها فى طاعتك وفي رضاك يا ربي ..
 ✕ مش هروح مصيف كله بنات وعري واختلاط .. مش هضيع إجازتي فى القعدة على القهاوي والنوادي والكوفي شوب ..
 ✕ مش هقضي ليلي فى الشات مع البنات على الموبايل و الفيس بوك ، ونهاري نايم لغاية العشا وكل الصلوات بتضيع !

✓ **هغير حياتي من أصغر شئ فيها**

أحبر شئ فيها علشانك يا رب ..